

UGOVOR
ZA NABAVKU SERVERA
KZ 19/19

Zaključen u Sarajevu dana 24.04.2019. godine između:

KJKP „Toplane – Sarajevo“ d.o.o.
sa sjedištem u Sarajevu, ul. Semira Frašte br. 22
kojeg zastupa Direktor Admir Džubur (u daljem tekstu: **Kupac**)
Transakcijski račun: 154-001-20003337-76 (Intesa Sanpaolo Banka d.d. Sarajevo)
PDV broj: 200353740001

i

„MIBO KOMUNIKACIJE“ d.o.o.
sa sjedištem u Sarajevu, ul. Tvornička br. 3
kojeg zastupa Direktor Marko Boštjančič (u daljem tekstu: **Prodavac**)
Transakcijski račun: 140-102-00113304-57 (Sberbank BH d.d. Sarajevo)
PDV broj: 200470540005

PREDMET UGOVORA

Član 1.

Predmet ugovora je nabavka rack servera, montaža, konfiguracija i puštanje u rad prema obrascu za cijenu ponude za potrebe Kupca, a zaključuje se nakon provedenog konkurentskog zahtjeva za dostavu ponuda broj: KZ 19/19, u skladu sa Odlukom o izboru najpovoljnijeg ponuđača broj: 03-03-01-470/19 od 16.04.2019. godine i ponudom zaprimljenom pod brojem 1623/19 od 11.04.2019. godine, koja odgovara uslovima iz tenderske dokumentacije.

CIJENA I NAČIN PLAĆANJA

Član 2.

Vrijednost ugovorene robe iz Člana 1. ovog Ugovora bez uračunatog PDV-a iznosi.

24.972,00 KM

(slovima: dvadesetčetirihiljadedevetstotinasedamdesetdvije i 00/100 KM)

U cijenu ugovorene robe nije uračunat PDV.

Član 3.

Prodavac se obavezuje da za isporučenu robu ispostavi račun u skladu sa Zakonom o PDV-u.

Član 4.

Kupac se obavezuje da će izvršiti plaćanje u roku od 30 dana od dana ispostavljanja računa Prodavca.

USLOVI ISPORUKE

Član 5.

Prodavac je obavezan isporučiti robu u roku od max. 60 dana od dana potpisivanja ugovora.

Kvantitativni i kvalitativni prijem robe treba biti pismeno potvrđen od strane Kupca.

Mjesto isporuke: Direkcija KJKP „Toplane – Sarajevo“ d.o.o. Sarajevo – ul. Semira Frašte 22

GARANCIJA

Član 6.

Garantni period: min. 36 mjeseci od dana isporuke.

Prodavac se obavezuje da će obezbjediti servis i rezervne dijelove za ugovorenu robu u garantnom periodu i postgarantnom periodu.

PRELAZNE I ZAVRŠNE ODREDBE

Član 7.

Za sve što nije regulisano ovim ugovorom, primjenjivat će se odgovarajuće odredbe Zakona o obligacionim odnosima.

Član 8.

Ugovorne strane su saglasne da sve eventualne nesporazume po ovom ugovoru rješavaju prije svega sporazumno, u duhu dobrih poslovnih običaja, a u suprotnom nadležan je sud u Sarajevu.

Član 9.

Ugovor stupa na snagu danom potpisivanja.


Član 10.

Ugovor je sačinjen u 2 (dva) istovjetna primjerka od kojih svaka od ugovornih strana zadržava po 1 (jedan) primjerak.

Prodavca
**MIBO KOMUNIKACIJE** d.o.o.
Komunikacije
d.o.o.
Marko Boštjančič

Broj: 117 /19

Za Kupca


**KJKP „Toplane – Sarajevo“ d.o.o.**

Admir Džubur

Broj: 03-08-04-1885 -502.01/19

Admir Džubur
Bh

**Izvršni direktor za
tehničke poslove i marketing**


Nenad Šormaz

Nejg.



UPRAVA

Broj: 03-03-01- 470 /19

Sarajevo, 16.04.2019. godine

Na osnovu člana 64. stav 1., tačka b., člana 88. i člana 70. stav 1.,3. i 6. Zakona o javnim nabavkama („Službeni glasnik BiH“ broj 39/14), člana 8. Pravilnika o uspostavljanju i radu komisije za nabavke („Službeni glasnik BiH“ broj 103/14), Pravilnika o postupku nabavke broj PR/SN/01 od 24.02.2015. godine, na Preporuku Komisije za javnu nabavku broj: 19/19/5 od 16.04.2019. godine, direktor donosi:

ODLUKU

- o izboru najpovoljnijeg ponuđača za nabavku -

KZ 19/19 – NABAVKA SERVERA

Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 19/19/5 od 16.04.2019. godine i ugovor za javnu nabavku servera – KZ 19/19 dodjeljuje ponuđaču:

„MIBO KOMUNIKACIJE“ d.o.o. Sarajevo

prema ponudi broj: 1623/19 od 11.04.2019. godine, za ponudenu cijenu bez uračunatog PDV-a u iznosu od:

24.972,00 KM

kao najpovoljnijem ponuđaču.

Član 2.

Izabrani ponuđač je dužan da, u roku od 5 dana od dana prijema ove Odluke, dostavi originale ili ovjerene kopije dokumentacije iz člana 45. Zakona o javnim nabavkama (ukoliko ponuđač iste nije dostavio u svojoj ponudi).

Član 3.

Prijedlog ugovora o nabavci dostavit će se na potpis izabranom ponuđaču, najkasnije u roku od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova odluka će biti objavljena na web-stranici www.toplanesarajevo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Za izvršenje ove odluke zadužuje se i ovlašćuje Služba nabavke.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.



Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-284/19 od 18.03.2019. godine.

Javna nabavka je provedena putem konkurentskog zahtjeva za dostavljanje ponuda.

Obavještenje o nabavci broj: 160-7-1-75-3-56/19 poslato je na objavu dana 18.03.2019. godine, a objavljeno je na Portalu javnih nabavki dana 18.03.2019. godine u 15:24 sati, te upućeni zahtjevi za dostavu ponuda na tri adrese, shodno članu 88. stav 1. Zakona o javnim nabavkama.

Komisija za javnu nabavku imenovana je Odlukom broj: 03-03-01-285/19 od 18.03.2019. godine.

Nakon isteka roka za preuzimanje, tendersku dokumentaciju su preuzela 24 (dvadesetčetiri) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki www.ejn.gov.ba).

Nakon isteka roka za podnošenje ponuda evidentirano je da je putem protokola u zatvorenoj koverti pristigla sljedeća ponuda:

1. „ MIBO KOMUNIKACIJE “ d.o.o. Sarajevo, broj protokola 1623/19 datum 11.04.2019. godine u 10:34 sati

Dana 11.04.2019. godine u 14:00 sati, Komisija za javnu nabavku je izvršila javno otvaranje pristigle ponude sačinivši o tome Zapisnik sa otvaranja ponuda, te shodno članu 65. Zakona o javnim nabavkama, izvršila pregled i ocjenu pristigle ponude.

Tenderskom dokumentacijom predviđeno je zakazivanje e-aukcije, ali se shodno članu 3. stav 3. Pravilnika o uslovima i načinu korištenja e – aukcije („ Službeni glasnik BiH“ broj: 66/16), u slučaju prijema jedne prihvatljive ponude, e - aukcija ne može zakazati i postupak se okončava u skladu sa članom 69. Zakona o javnim nabavkama.

Komisija za javnu nabavku dostavila je dana 16.04.2019. godine preporuku o izboru najpovoljnijeg ponuđača broj: 19/19/5 od 16.04.2019. godine zajedno sa izvještajem o radu broj: 19/19/4 od 16.04.2019. godine, zapisnikom o pregledu i ocjeni ponuda broj: 19/19/3 od 16.04.2019. godine, u postupku javne nabavke servera – KZ 19/19.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna).
- da je blagovremeno zaprimljena 1 (jedna) ponuda.
- da nema neblagovremeno zaprimljenih ponuda.
- da je ponuda ponuđača „MIBO KOMUNIKACIJE “ d.o.o. Sarajevo prihvatljiva.
- da nema neprihvatljivih ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriteriju iz tenderske dokumentacije.

U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen, primjenjujući kriterij „najniža cijena“, te da je rang listu prihvatljivih ponuda / ponuđača slijedeća:

1. „MIBO KOMUNIKACIJE“ d.o.o. Sarajevo,
sa ukupnom cijenom ponude u iznosu od **24.972,00 KM** bez uračunatog PDV-a.

Cijeneći navedenu rang listu i kriterij za vrednovanje, ugovor za nabavku servera se dodjeljuje ponuđaču:

„MIBO KOMUNIKACIJE“ d.o.o. Sarajevo

sa ukupnom cijenom ponude u iznosu od **24.972,00 KM** bez uračunatog PDV-a, odnosno

kao prvoplasiranom na rang listi jer sadrži najnižu cijenu.

Iz navedenih razloga, primjenom člana 64. stav 1. tačka b, člana 88 i člana 70. Zakona o javnim nabavkama te Pravilnika o postupku nabavke broj PR/SN/01 od 24.02.2015. godine, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi BiH u pisanoj formi, putem ugovornog organa, u najmanje 3 (tri) primjerka.

Direktor

Admir Džubur

Dostaviti:

1. Ponuđaču: „MIBO KOMUNIKACIJE“ d.o.o. Sarajevo
2. Službi nabavke a/a

OBRAZAC ZA CIJENU PONUDE

ANEKS 3

NAZIV PONUĐAČA: MIBO KOMUNIKACIJE d.o.o SARAJEVO

Broj ponude: POK - 636/19

Datum: 11.04.2019.godine

Strana 1 do 1

R. br.	Opis robe	J. mj.	Količina	Jedinična cijena bez uračunatog PDV-a (KM)	Ukupna cijena bez uračunatog PDV-a (KM)
1.	Server i montažni materijal, kablovi za povezivanje opreme	kpl	2	11.211,00	22.422,00
2.	Instalacija i puštanje u rad	kpl	1	2.550,00	2.550,00
UKUPNA CIJENA BEZ URAČUNATOG PDV-a					24.972,00
POPUST: <u>0</u> %					0,00
UKUPNA CIJENA SA POPUSTOM BEZ URAČUNATOG PDV-a					24.972,00

OSTALI USLOVI:

- ✓ Uslovi plaćanja: 30 dana od dana prijema računa.
- ✓ Uslovi isporuke: 60 dana od dana potpisivanja Ugovora.
- ✓ Mjesto isporuke: Direkcija KJKP „Toplane-Sarajevo“ d.o.o. Sarajevo
- ✓ Garantni rok: min. 36 mjeseci od dana isporuke

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlike između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.
5. Ponuda obavezno mora sadržavati sve tražene podatke

Mjesto i datum: SARAJEVO, 11.04.2019.godine



Potpis i pečat ovlaštenog lica:

Mart, 2019. godine

KJKP "Toplane-Sarajevo" d.o.o. Sarajevo
Tender za nabavku servera - KZ 19/19

Strana 25/33



OBRAZAC ZA CIJENU PONUDE

ANEKS 3a

I. SERVER

Tražene tehničke karakteristike

Popuniti ponuđenim modelom

Proizvođač i model	DELL EMC PowerEdge R410
Veličina: (1RU) server, rack-mount kit uključen u isporuku	1RU, rack-mount kit uključen
Procesor: 2 x CPU čiji je PassMark minimalno 11500 ili bolji, sa 8 jezgri (core)	2x Intel Xeon Silver 4110, 8 Core PassMark: 11,703
Memorija: 96 GB DDR4 (originalna, fabrički montirana)	6x16 = 96 GB DDR4
HDD: 2 x minimalno 200 GB SSD u RAID-1 konfiguraciji (originalna, fabrički montirana)	2x 240 GB SSD
RAID kontroler sa min 2GB Cache memorije	Raid Controller i730P, 2GB Cache
Mrežni interfejsi:	
2 x Gigabit Ethernet 1000Base-T porta (RJ-45)	2 x GE
2 x FibreChannel minimalno 16 Gbps	2 x FC card, 16Gbps
Napajanje: dvije napojne jedinice, redundantno, hot-plug	Dual, Hot Plug, Redundant 550W
Licenca za sistemsko upravljanje i udaljeni KVM pristup	Licenca za sistemsko upravljanje i udaljeni KVM pristup
Operativni system: Windows Server 2016 Standard (ili ekvivalentna 2019 licenca uključena) kroz Microsoft OLP	Win Serv 2016 STD, 16 core
Garantni rok: 36 mjeseci	<input checked="" type="checkbox"/> DA / NE potrebno zaokružiti
Montažni materijal i kablovi za povezivanje opreme koja je predmet isporuke- napojni, mrežni, optički duplex	<input checked="" type="checkbox"/> DA / NE potrebno zaokružiti
Proizvođač servera mora biti prepoznat kao Lider u posljednjim analitičkim izvještajima kuće Gartner za oblast servera	Link: https://www.nutanix.com/go/gartner-magic-quadrant-for-hyperscale-ai-systems.php

2. INSTALACIJA I PUŠTANJE U RAD

Tražene usluge	Ponudeno
Montaža servera, uključujući nadogradnju firmware/software verzija na posljednje preporučene verzije proizvođača	<input checked="" type="checkbox"/> DA / NE potrebno zaokružiti
Povezivanje na postojeću ili opremu nabavljenu kroz druge postupke (mreža, Storage jedan fizički NAS)	<input checked="" type="checkbox"/> DA / NE potrebno zaokružiti
Instalacija Windows Server 2016 operativnog sistema i konfigurisanje Hyper-V Clustera	<input checked="" type="checkbox"/> DA / NE potrebno zaokružiti
Testiranje visoke dostupnosti	<input checked="" type="checkbox"/> DA / NE potrebno zaokružiti
Migracija postojeće okoline na uspostavljenju infrastrukturu (radi se o jednom fizičkom server i 7 virtualnih Hyper-V servera)	<input checked="" type="checkbox"/> DA / NE potrebno zaokružiti
Rekonfiguracija Veeam backup rješenja	<input checked="" type="checkbox"/> DA / NE potrebno zaokružiti
Izrada dokumentacije izvedenog stanja	<input checked="" type="checkbox"/> DA / NE potrebno zaokružiti

NAPOMENA:

U svrhu dokazivanja ponudene opreme, ponuđač obavezno mora dostaviti detaljnu tehničku specifikaciju u svojoj ponudi. Tehničku dokumentaciju je potrebno markirati u skladu sa ponudom zajedno sa spiskom web lokacija na kojoj se ista može preuzeti radi usporedbe.

Mjesto i datum: SARAJEVO, 11.04.2019. godine



Potpis i pečat ovlaštenog lica:

